

ALEGRIA Y FANTASIA Cu Bon Dia

Cu Kavel of sin Kavel nos tey den Carnaval.

E reglanan di Kavel 1993

Manera tur aña e trekmento di lot a yega su ora zero. E stipulacionan pa esaki e aña aki ta lo siguiente:

Seyamento di Buzon lo ta den presencia di Notaris Tjon Ajon, Diabierna 22 January 1993 na Domeinbeheer.

Lo aceptá peticion pa Kavel na Domeinbeheer desde 26 di Januari te cu 29 di Januari 1993.

E loting na Tele Aruba lo ta 2 di Februari 1993 di 8.00 - 10.00 p.m. (si ta necesario otro loting lo tuma lugar na Domeinbeheer).

Lo publica lista di nombrenan den corantnan local dia 4-5-6 Februari 1993.

Busca vergunning na Domeinbeheer di 8 di februari te cu 11 di februari 1993.

Tur persona mayor di edad (21 aña y pariba) por hasi un petishon na Minister pa bin na remarca pa haya un kavel pa pone trailer, stellage of auto canto di caminda riba e ruta di Carnaval.

Cada petishon ta costa F.4.00 segun e "Zegelverordening 1908 atr. 34".

Cada persona por hasi solamente un petishon. Na momento di haci un petishon e persona mester por identificá su mes solamente cu un cedula, rijbewijs of paspoort.



SAVANETA - E grupo di Savaneta e aña aki un biaha mas ta participá den Carnaval, e aña aki cu e grupo di Fantasia Thailandes. Riba e foto nos por apreciá e pareha cu a participá den Costume Fetsival, pero segun nos por a comprendé tin diferente otro posibilidad, pa esnan cu kier algo mas sexy. Tur e fiel participantenan ta ser pidi pa pasa na e lugar di custumber Savaneta 384 pa inscribí pa wak e costumenan. Por yama Martica na tel. 47032.

Cada persona mester acudí personalmente na Domeinbeheer pa hasi nan petishon. Esey kiermeen cu bo no por manda un otro persona pa haci un petishon pabo.

Prijs di Kavel ta:
1 kavel Afs. 75.00
2 kavel Afs. 50.--
3 kavel Afs. 200.--

Personan cu ta bin na remarca pa haya kavel(s) (max. 3 kavels), dor di e loting na Tele Aruba, tin cu acudí na Domeinbeheer pa scohe nan kavel(s). E scohemento di kavel(s) lo bai segun bo nomber wordo saca for di e tombola na Tele Aruba. Si den e caso aki e persona cu a bin na remarca na scohe su kavel

mes no bin haci esaki riba e dia y ora stipulá pe e por manda un otro persona pa representé.

E persona cu ta bin representá un otro den e caso aki, mester bin cu su propio identificacion y mester por preuba claramente cu e ta encarga pa representá un otro persona mediante un carta firma di e persona cu a bin na remarca pa un kavel y e mesun identificacion cu e persona concerní a bin haci su peticion cuné.

Den Total tin 319 kavels disponibel.

Pa bin na remarca pa un kavel pa bende cuminda y bebida, un persona mester haci un peticion na Minister. E peticion aki lo tin e mesun procedura cu e peticion arib amencioná. E persona cu bin nan remarca pa haya un kavel pa bende cuminda y bebida mester pidi un "Buffet-vergunning" na Centraal Bureau Juridische en Algemene Zaken. Tin 9 kavels disponibel pa venta di cuminda y bebida.

Den caso cu un persona a haya un kavel y no a haci uso di esaki un siman promé cu e parada grandi di Carnaval, e kavel aki por wordo duna na un di e otro personanan cu ta aparecè riba e lista di espera na Domeinbeheer.

E cayanan cu lo bai tin kavel disponibel ta Vondellaan, L.G. Smith Blvd y Weststraat. Riba e otro cayanan di e ruta di Carnaval, cu no tin kavel, por pone trailer, stellage, auto etc. sin mester di paga pa esey, pero semper

teniendo cuenta cu e reglanan di trafico y otro condicionan.

Pa dia Domeinbeheer lo entregá 60 vergunning cual lo wordo entregá 30 promé dia, di number 1 te cu 60 y di dos dia di 61 te cu 120.

Mescos cu aña pasa DOW lo percurá pa tentnan wordo instalá den e ruta na Vondellaan y L.G. Smith Blvd. pa facilitá e personanan cu no tin trailer y ta desea di haci uso di esakinan. No ta existí ningun clase di reservacion, esun cu yega promé por stacioná su mes bao di e tentnan.

Tambe lo tin 7 toilet trailers instalá den e ruta di Carnaval pa facilitá e publico. □



ORANJESTAD - Huppeltje - huppeltje in Carnaval zijn wij ook een gran festivaal, ja hoór e muchanan di mariniers tambe por riba nan klompen.